

五

峯

遺

稿

五峯遺稿卷之三

詩

七言古風

題陳秋林畫松

千年老髯冰雪顏
歌側偃卧寒厓間
劃然悲風起長
谷化作龍吟秋滿山
太丘先生畫成癡
爲此空臨白
金直披圖一笑成
嘿然海鶴飛來破秋色

送華獻夫赴錢氏館

老梅著花春尚慳
冷煙濕雪晴斑斑
書齋半掩君欲
去令我孤坐愁如山
知君有志匡時業
三十聲光何

燁燁崑山良玉真自溫不學世情輕似葉別後懸知
有所思情窓竹戶負幽期相逢吳越王孫後好和春
城送別詩

依韻荅沈少參時陽兼謝白紵諸生之惠

塞余父落荒間濱瀛倒愧作旬宣臣豈因文章惜命
達自覺老態能催人珍重同年沈參伯家事尋常為
規畫祿米分嘗雪滿匙麥光損送雲生席知君與我
為最舊十載論交在詩酒情深不減骨肉親青眼相
看偏耐久嗟余衰謝少筋力碌碌素餐空負國紫微
花底三月眠藥裹關心門未出花枝入簾清晝長撫

垂簾靜悲餘光已應窮愁似杜老何用衰白悲馮唐
有約歸田謝官守去去東南大湖口風月煙波一釣
舟世上浮名亦何有憂來坐對閩山丹擊節高歌唾
壺缺壯心未已柰老何況復人世多離別昔君分陝
從西征我亦作郡湖南行別來歲月渾未幾不覺兩
鬢俱星星君才卓犖真能事折箠可答天下上致君
堯舜從老成未許塩車困騏驥節序相催炎復涼丈
夫立身須及強長林豐草我終去天門萬里看翱翔

壽潘繼芳母范氏七十

人生真如草頭露堂上慈親節何苦茹蘗淩冰四十

年誓與潘家立門戶兒孫漸長門戶成白頭尚覺身
康寧艱難歷盡天心順會享流年五百齡

松風閣養病期潘繼芳不至

春泉半涸銅瓶冷高閣蒼茫落餘景作詩聊啗水仙
魂何事東風吹不醒社中佳友期不來門前積雨荒
蒼苔病懷牢落誰相慰賴有佯狂老萬回

贈郡博謝先生

先生謝安之子孫珊瑚標格麒麟文名賢之後其人
出文采風流真絕群家住閩南萬山裏門對東溟一
甌水百年秀氣鍾斯人丹砂空青何足比讀書早充

觀國賓詞塲落筆驚萬人文章却被造物妬獨守書
鑪三十春盱江使君今白首憶昔相逢曾握手低頭
竟下東野拜青眼論交對尊酒江湖別後難嗣音燕
雁不來河鯉沉江東之雲渭之樹兩地相思勞寸心
只今

聖主崇文學遷官又下蘭陵郭蘭陵大郡天下無冠
蓋紛紛滿臺閣一官清絕擁皋比談經誨史稱明師
已聞韓愈解傳道更說匡衡能說詩芹香泮水青春
暮閉門還著長楊賦薦雄文字應有人莫道儒官解
相誤

分得長蘆泛雪送友人之京

馮夷細剪西江水散作瓊花半空起千里長河凍欲
冰兩岸群山玉相峙扁舟有客朝神京倚蓬獨聽
蕭蕭聲錯道陰山老居士夜半拏舟溪上行

贈馮友端

漢陽老守今不見風流猶識郎君面別來歲月今幾
何十觀秋鴻與春燕憶昔江頭初識君少年詞氣藹
春雲情真謂我丈人行斗酒問候何殷勤相逢萍水
還分手黃鶴樓前折楊柳家住長安北斗邊幾度相
思搔白首吳江霜落雁來前一笑重逢話昔年功在

逼人留不住促裝又上蘭陵船只今

聖主方求治老我青雲已垂翅廟堂勲業真望君莫
向天涯久淹滯

掀髯子歌為李桓仲題

南樓老人仁者流鸞停鵲立凝清秋掀髯一笑天地
窄心與造化同其遊氣酣日暮虹光吐落落孤懷眇
千古南陽卧龍真自期東方小兒何足數天生老髯
何太奇秋雲厭空低覆顙尋詩覓句巧相埒絕勝曹
公橫槊時風前月下偏宜佇會心正在掀髯處張華
白纒徒笑人豈是先生得真趣

歲寒貞節圖為高惟清賦贈楊叔興

徂徠山頭十八公虬枝偃蓋摩蒼空雲樓道人真好
事一笑寫入梅菴中梅菴老人有梅癖對此欣然還
愛惜蛟龍落紙勢欲飛白日風雷繞東壁文峰高士
舊相知持贈殷勤寄所思歲寒交誼何所似願比青
青松樹枝

贈談秋官憲章

秣陵秋風黃葉飛暮天搖落令人悲美人迢迢在何
許五雲縹渺天之涯憶向都門折楊柳撫劍高歌共
尊酒屈指分違歲又更相思欲問平安否文采憐君

歷俊豪少年意氣南山高讀書萬卷還讀律秋毫掌
憲寧辭勞臺中張君富文藻別後新詩幾添稿伯仁
消息復如何想應辛苦求生道二三賢俊真絕偏得
志齊名要路津致君堯舜等閒事莫道今人非古人

贈定襄伯郭公

將軍家世誰能比封爵初從漢天子邇來傳襲三十
年赫赫香名滿青史虎符龍節鎮殊方紫誥黃麻積
滿牀生兒能忠女能孝坐令門戶生輝光洋湖南下
深無底世澤綿延亦如此誰將健筆為褒揚白頭尚
書今已矣

壽華翁八十

蘄湖老人列仙臞，矯如霜雪老不枯。
草亭獨坐清有餘，胸中俗氣半點無。
松陰白鶴馴可呼，戛然長鳴向庭除。
眼磨青銅雪點顙，苦吟絕似孤山逋。
杜陵老去詩壇蕪，天教此老鳴東吳。
良田百頃桑萬株，年來生意追陶朱。
平生仗義賙鰥孤，春風披拂槁朽蘇。
抱孫弄子樂于花，前酌酒開百壺泥逢。

聖主如唐虞，錫以冠服恩何殊。
行年八十筋力麗，醉中上馬不用扶。
高堂稱壽當春初，繡簾翠幙紅氍毹。
美人一雙間且都，當筵勸酒繡羅襦。
老梅吹香撲衣

裾滿堂賓客皆歡娛就中王孫千里駒黃金橫帶代
不如醉揮霜毫寫新圖霍然南山當坐隅再拜敬為
賓筵須請公看山飲醒酬他年壽與南山俱

送楊士瞻分教盱江

君王銳意興文教 詔選儒臣典庠校玉堂學士眼
如星首以先生應明詔先生五十髮如絲才大去作
諸生師已推韓子解傳道不獨匡衡能說詩盱江風
物應如舊前度使君名在否相逢父老如有問為說
年來已衰朽

橘泉為郁景章賦

辰陽東下山人宅宅畔寒泉深百尺湛湛清涵一鏡
光洵洵暗接三江脉山人種橘凡幾樹橘花覆井秋
扶疎鄉人飲水勝飲藥恐是異代仙人蘇沅湘東下
三千里映日浮空亦徒爾豈如此泉能利人往往收
功惟一七山人古貌還古心平生重義輕黃金懸知
橘井源頭水應比他年陰德深

見山樓

三神之山何壯哉何年兀突浮江來蒼然鱗甲凌空
起萬壑千岩淨如洗君家重重十二樓此山之高纔
與侔畫屏縈紆宜晚對窓戶濛濛挹空翠朝朝暮暮

山作賓隔簾細霧沾衣巾海天雲來元氣濕翡翠芙蓉紛可拾山人老眼摩青銅少時看山今作翁桃笙一幅鋪秋水湖風初涼睡正美起來一笑山花開眼前萬事如輕埃且須題詩飲美酒詩成好寄湖南守

題李太史竹

夏太常所畫

太常胸中絕塵俗寫出淇園數竿玉披圖拂拂清風生置身如在湘江曲湘江渺渺煙水秋六龍不返相娥愁鷓鴣啼殘淚如雨翠痕斑斑今尚留枝葉扶疎翠雲繞珊瑚七尺疑孤悄六逸亡來識者稀千古清風竟誰紹白頭太史金門賓歲寒相對情何真勁節

虛心兩不愧敢謂今人非古人

望泮樓

樸菴大老人中龍結樓正近宣尼宮樓中積書至萬
卷文光夜夜騰晴空闌干十二東風裏望中樓閣參
差起隔簾壇杏吹暗香白日紅塵淨如洗登臨歷覽
寧辭勞突兀時見宮牆高素王不作鳴鳳遠只有化
雨沾青袍新昌城下江之許千載清風此樓古齊雲
并幹空自高只向人間貯歌舞

贈周濟廣

蒼顏鶴髮美而頎氣如陽和散餘春怡然弗怒亦弗

嗔人言先生古天民採芝曾逢葛仙人授以丹訣如
有神口中嚙嗽元和津囊中青烏恒濟貧飄然清風
洒葛巾老眼不識干戈塵先生之樂樂最真

壽無垠

竹軒

隱君宅種千竿竹春來亂長叅差玉涼陰晝寒晚不
收一簾疎影寒仍綠新梢微動風颼颼老鶴一聲山
谷秋世無王猷與二仲擊節題詩誰與儔

贈鍊師許梅鶴

旌陽之仙頭半白卧向丹丘人不識朝元鶴駕早歸

來十二洞天春寂寂庭前老梅吹暗香陶然爛醉青
霞觴掀髯一笑天地窄野鶴無聲清晝長

賦得金陵樂一首送符臺夏韞輝南還

我昔金陵遊宦來

九重宮闕參差開尚書畫省少公事薄暮垂鞭騎馬
回符臺有客元勳喬冠蓋承宋樂清世花木常留閑
苑春圖書滿貯蘭臺秘交情於我最相親詩酒尋常
來往頻去年別我丹陽道此日解后荒江濱君乘畫
舸翩翩去還上金陵舊遊處顧我驅馳領郡符南望
三山重延佇辣齋先生忠諫臣別來回首漫勞神相

逢為道金陵樂南北飄零空老人

題淵明歸去圖

風塵瀆洞昏王室劉郎崛起提三尺功高竟挾莽操
奸興午江山漸非昔元勳世裔柴桑翁浩氣落落摩
蒼空孤高義不食宋祿千古獨紹夷齊風拂衣長揖
歸田里世上浮名真弊屣蒲帆十幅掛秋風一路青
山看未已門前鵲噪翁到家扁舟近泊江頭沙兒童
相見尚相識笑道阿翁雙鬢華漢史鄉曲皆來候火
速呼兒開北牖東籬黃菊秋正香復湏一醉牀頭酒
先生非懶亦非迂雅志本為網常圖劇秦却笑楊夫

子白首猶為莽大夫

九峯寺

連山高高知幾重四面削出青芙蓉何年寶誌來卓錫一脉遠紹曹溪宗松門陰森無路入赤葉黃花氣蕭颯殘燈古殿寒不開慘淡如聞龍象泣憶昔霓旌來向東千騎餞食菩提宮龍泉山深骨已冷只有香火空山中白頭老衲家子解說前朝舊時事黃金盂鉢千佛衣並是

高皇御前賜西竺神僧去不還荒苔白石秋斑斑
子岩前日欲落傷心極目秋雲間

同金廣信宗器遊番湖

番湖水落秋容冷碧色澄鮮三萬頃樓船噉嚼何處
來十幅蒲帆弄秋影霜晴九月陵葦枯芙蓉著花秋
滿湖吳興已遠郭熙老誰爲寫此秋江圖汀洲遠近
迷雲樹東去滄波急如注康山一髮天際橫傳是
先皇洗兵處當年血戰湖水黃日月照耀旌旗光鼎
湖龍去不復返只有鴈鷺飛茫茫天開大澤雄今
古氣撼東吳及南楚巴陵洞庭何處邊目斷潯陽送
樓櫓北風獵獵握雙旌此行奇絕如登瀛風波平地
不須起向來魂夢今猶驚浩歌蓬底還搔首却憶同

行信州守萍水飄零盡白頭相逢且醉餘干酒

為葛元大題畫

雲山一幅開畫圖流水泱泱當階除隱君結廬遠人
境四時窓戶涵清虛牙籤滿架書連屋屋外琅玕挺
寒玉下帷時究聖賢心塵事無關志何篤柴扉掩映
畫不開落花滿地荒蒼苔溪橋路滑絕行迹抱琴時
許高人來披圖彷彿城東路布襪青鞋昔曾去九龍
峰高捲翠嵐蓮蓉溪淨澄寒霧邂逅相逢葛稚川談
詩話舊相留連看花細酌麻姑酒燒竹間烹陸羽泉
只今起慰蒼生願

五鳳樓前復相見
屈指論文已十年
回首鄉山常戀戀
青袍匹馬困

皇州對畫題詩想舊遊
他年還擬挾簪去同老江湖
侶白鷗

玉峯遺稿卷之四

詩

長短句

慶源堂為吳方伯題

高堂何巍巍正對浙江頭
凌雲煥丹碧闕閼真寡儔
錢塘江上東流水古往今來只如此
堂中餘澤邈且長
綿綿延延亦相似
慶源何所自
來自崇本翁還金
焚券勤積累恩到白屋沾疲癯
後來怡靜二三老仁義平生以為寶
百年餘慶鍾後昆
珠樹春來著花早
湖藩大老當世英
承家節操冰雪清
少年科第俯拾

取廟堂赫赫飛英聲文章五色如星鳳材大真宜棟
梁用十年楚蜀事旬宣洞庭增雄雪山重吁嗟先德
何敢忘堂楣揭扁生輝光欲知餘慶深幾許請看錢
塘江水長

聽竹軒

看竹固不俗聽竹還更清如趨明廷入郊廟金石戛
擊和鸞鳴夜深幽谷秋風起彩鳳孤吟月明裏我欲
從君借榻聽一流從前箏笛耳

瘦馬圖為鄒佑之題

少陵昔為瘦馬行似與當代傳豪英哀窮悼屈有餘

恨筆底歷歷輸忠誠獨憐見詩不見馬後來何人圖
此碑兀瘦損之真形乃知郭公真義士直與甫也老
氣相崢嶸天寒日曛沙草平顧影獨立空悲鳴毛乾
猶帶霜雪凜齷短不聞風雨聲憶昔曾蒙主人顧與
人一心同死生交河層冰蹴欲裂朔漠煙塵期再清
那知一蹶誤失所棄置不如覩與嬰青袍烈士溝壑
意白髮孤臣江海情丹青妙意正在此何事瑣瑣相
譏評君不見東山太傅勲業盛老大淚濕桓伊箏

題計秋官汝和畫菊

何人寫此秋香圖仙郎筆法天下無秋臺明刑稱丈

夫胸中耿耿非凡徒醉來憑軒不用扶寫出此本秋
容敷況疑三徑當空隔顏色不似春花腴同官得之
情快愉乘興欲眠歸來乎人生轉盼雪滿顙勸君對
花時復傾一壺

鍾山高一首題雲林採藥圖贈嚴先生

鍾山高何崢嶸平地兀立數千仞蜿蜒屈曲盤青冥
上有仙人不死之瑞草下有西來萬里一派長江橫
丹崖翠壁爛輝煥時見仙子駕鶴吹瑤笙中間隱者
誰知名獨數漢代嚴君平平生不用公與卿但願淨
結煙霞盟手持綠玉杖時向雲山行白雲飛飛互送

迎眼中富貴鴻毛輕石林無塵新雨晴荷鋤松下尋
黃精掃除白髮衰顏頰肯與世俗屑屑同紛爭嚴先
生吾將訪子清泉白石之上與子細論軒岐經青鞋
布襪已拂拭煩君預報山之靈

題魏封君挽冊侍御孔淵乃翁也

兒昔少年日早充觀國賓嚴君握手一相送白首為
賦詩章新縱橫老筆龍蛇起感慨情詞雜悲喜天門
浩蕩須俊賢唯願兒行早登第兒今擢第登廟堂青
春豈多輝光可憐親老不逮養九京魂斷何茫茫
音容一去無消息翰墨空存舊時跡什襲珍藏幾歲

年一度相看一追憶相思默默黯情緒古柏臺深淚
如雨欲識君家父子情試看姚江深幾許

送劉侯督稅南行

城中惡少虎不如金鞍駿馬光塞途當街捉人財
貨大勝霍家馮子都橫行市里無朝暮居人家家閉
門戶白頭老父掩面啼君門如天何處訴劉侯健
驅千人英義氣耿耿于青冥奮然一怒奸膽破城狐
社鼠空潛形空潛形侯且住天南督稅須早還毋使
吾民久延佇

壽東隱兄

與兄生同日甲子我差後為歡曾幾何相顧成皓首
憶昔與兄年少時紅顏騎竹街頭嬉萬人場中觀傀
儡倏快又異并州兒中年愧我作官去兄獨辛勤守
門戶胸中豪氣輕萬人入手黃金棄如土興來躍馬
不受呼去向長安尋俠徒貂裘狐帽光照路馬上直
腰帶城妓逢人一笑傾肝膽老去風情猶未減歸來
花月自年年世上閒愁無半點繁華過眼心輕灰草
堂晚築城東隈大兒為官小解事適意時時尊酒開
年來造物漸欺我行步艱難已偏左前年解官江右
歸問慰勞兄一相過寶忠堂上春日暄團團笑語生

春溫殷勤晨夕禮叔父時呼窈窕開金尊佳辰正近
端陽節海榴花開飄絳雪一盃壽酒祝長生和氣氤
氲溢門閭吾兄吾兄白髮新且拚一醉酬佳辰古來
積善天所祐為耆坐享三千春

贈友

兩年與君交沈酣文字中我才如襍線寸縷無長縫
詩壇白戰勢屢北破壘豈耐全師攻夜闌時時接軟
語坐見銀燭燒殘紅嚙盃幾醉賓館月脫頂每納僧
窓風方期低頭拜東野終始追逐如驅蛭朝來卷書
忽辭去獻賦儼上

明光宮今我有疑不得質使我憤悱何由通吐嗟吾
廬豈傳舍棄置行復西與東窓前嘔啞餘楚老几上
寂寞間焦桐野梅吹香雪欲落况復歲暮憂冲冲歌
我伐木篇酌君玻璃鍾人生會合本無定雪上指爪
留飛鴻明年我亦江海去後會那知何日同

送友歸弋陽

一雨忽驅暑蘋末生微涼君行發長洲十里荷花香
腰錢不上揚州鶴白首還家古云樂君家正近弋陽
溪綠水紅橋傍城郭門前穰種十頃田黍穀早熟秋
風前蓮渚之茶玉板筍時用活火相烹煎為商涉風

波豈似為農好尊中有酒饌有魚千日團圓永相保

題慈烏反哺圖

君家樹頭多好鳥低頭哺母如哺雛霜天十月庭樹
枯徐行俛啄當堦除得虫不忍食忽作兒女鳴呱呱
天寒野田食漸無聊以奉母供朝餽不集御史府偏
止孝子廬孝子之行卓且殊私情亦與烏鳥俱上堂
奉慈闈甘旨隨所須綵衣翩翩庭下趨烏鳥亦與
相呼吁嗟天理不可誣氣類相感非區區君不見西
家有子如梟鴟樹枝雖好鳥不棲豈知君家人好鳥
亦好羣栖反哺無時了

思愛堂

大翁肯無恙歡然偏見憐分甘戲膝下課讀臨燈前
燈前膝下歡無已況復田園富生意貽謀燕翼良獨
深恩與乾坤浩無際重泉一別經幾秋隴木蕭蕭生
暮愁葵堦寢寐想顏色欲見無因空淚流草堂新築
鵲溪上門前春波日應漲湖波東去竟不回感此時
應發遐想

杏花書屋為葛元兆賦

君不見金谷園中花滿煙千紅萬紫爭春妍瓊樓甲
館貯歌舞朝酣暮飲花之前繁華雜遝歡不足可笑

石郎何太俗豈如先生一廬市隱清有餘杏花數枝
紅遶屋屋中滿架惟圖書紙屏素縛常宴如花時不
用沽酒賞窓前一編時卷舒屋頭書陰鳩亂語杏花
吹香燕新乳此時先生方擁衾半掩衡門看花雨先
生種杏還煉砂滿庭生意春無涯居人賣藥時相過
錯認廬山仙子家

贈羅本清南遊

羅君江海士放浪江海間南遊遍荆楚鬢毛已斑斑
大江已去三千里心平不畏風波起出門隨處皆安
流大船高眠如屋裏朝辭白帝暮荊州羨君為客春

復秋牀頭金多百不憂興來時登酒家樓麴米春香
正浮綠當鑪少婦顏如玉金盞斫鱸勸客嘗一曲清
歌歡未足君家正住洞庭西高樓大宅生光輝門前
湖波碧萬頃歲歲客帆江上歸歸來依依戀鄉土還
買山田立門戶門戶漸大兒亦賢羅君之樂樂且全
重慶堂為新昌何都憲賦

我我重慶堂遠在江之東中有四老人髮白顏如童
大翁無恙雙親好青鏡流年全未老絲衣春酒慶年
年此樂人閒信云少承家况復有蘭孫驄馬烏臺德
業尊榮華富貴已兼得一家自荷皇天恩門前天姥

高千丈堂與茲山兀相向白石可爛山可夷堂中慶
澤無休期

壽吳母百歲

慈壽堂深碧雲曉南風吹綠忘憂草草心漸長花漸
開慈闈對之顏色好人言此草解忘憂不與尋常桃
李儔但願花前日日獻美酒笑歌直擬三千秋

松巖為毘陵張宗魯題

君不見留侯昔逐風塵起曾輔劉郎作天子子孫千
年今尚存松巖之人無乃是不赴天旌招不受軒冕
拘種松深山枝半枯邇來百尺胸垂胡谷風泠泠奏

筌竿白日慘淡青猿呼草亭臨流清不孤春雨時時
聞讀書靜煮白石食松腴涵養道德歌唐虞巖谷深
阻誰是徒長日唯看雲卷舒松巖子只今四海歌時
雍何為獨處深山中行當上書獻
天子掄才會入明光宮

贈虞永錫赴金庭塾館

西溪先生頭半白十年常作金庭客慣說金庭山水
清嗟余俗眼何由識新春示我山水圖金庭乃在東
南煙浪之具區洞天福地仙所都靈芝瑞草無時無
危峰倒插青天孤下步阻險連重湖秋風颯颯吹黃

蘆白波漫天雁鷺呼沙頭二老翁衣冠一何偉烏紗
籠頭髮垂耳笑看雲山弄雲水就中一叟豪且雄恐
是近世天全翁領客嘗遊湖水東脫屣富貴尋崆峒
英賢遺跡轉眼空好事寫入茲圖中不然胡為避世
士被服却有今人風余生亦愛金庭好對畫題詩心
惓惓會約先生作勝遊他日風流成四老

題過聽秋先生寫松卷

古來作書畫妙處在寓意區區布置間此法古所忌
得心應手隨筆成雪中芭蕉殊更清過君寫松亦如
此真造獨數天機精徂徠山高幾千尺上有髯龍人

不識先生信手寫作圖畫工如山皆辟易碧窓含霧
秋濛濛絕筆慘淡主長風蛟龍蟠擎爪甲具一洗萬
古凡畫空憶昔先生起膺薦獻書曾上蓬萊殿五侯
倒屣七貴迎家家屏幃揮應徧湖南老守貌寂癯服
食亦欲食松腴驚溪一幅已拂拭乘興為寫雲巢圖

五峯遺稿卷之五

詩

五言律

贈徐隱君

泉石孤風遠乾坤一叟閒
負暄梳白髮捫虱對青山
歲月詩篇裡鶯花杖屨間
青雲笑諸老衰颯未知還

送邵繼之歸荆溪舊隱

君家陽羨里詩禮舊知名
一壑風煙古千巖泉石清
紅螺銀鯽鱠香飯碧芹羹
去去此深隱因之愴素情

又

憐君年獨少文采舊名流
鄉國勞新夢江山足勝遊
薰風秣陵騎落日練湖舟
別後遙相憶還應狎海鷗
聞西寇未平偶成一首

西戎猶小梗消息苦難真
野獸常思鬪飢鷹不可馴
羽書通北極烽火接三秦
安得嫖姚將長驅靖虜塵
挽陳煉師

自是丹臺客功成厭世紛
翩然騎白鶴何處訪茅君
石上老瑤草山中空白雲
傷心步虛處幾時聞
挽柯慶士

斯人有道士老眼秋波明
朗吟忽脫去應住芙蓉城

滄海已同逝青山空復情
唯餘北軒外梧葉自秋聲
書事

玄象忽垂變居高還聽卑

君王自仁聖天意在扶持
漢道方全盛周文尚緝熙
猶聞下明詔端拱問瘡痍

又

北極稀遊幸西郊息戰爭

重華協虞舜恭儉邁周成
望治頻從諫居安肯戢兵
群公滿臺省何以佐昇平

又

堯湯真自聖朝野苦多虞
旰食勞神慮乘軒愧要樞
羯胡充震盪黎庶尚流通
才薄嗟尸素無由佐遠圖
送沈春官時易使浙藩

郎署聲華重文章藻思新
暫辭龍虎國遠賚島夷人
冰雪關河晚梅花驛路春
西湖風月好來往莫辭頻
省中齋夕寄謝武選世修

獨坐對官燭悠然清興多
九門嚴禁柝雙闕赴
明河有客東山後論詩許見過
殷勤共良會莫問夜
如何

和謝武選齋居見寄韻

畫省群公集清談座有春共憐今夕會已少昔年人
鐘動城烏起窓明蠟炬新東山詩更好元白是前身

又

鼓角悲長夜冰霜動早春風燈頻落燼江月靜窺人
默坐天機熟清齋道味新因思十年事飄泊任吾身

又

銀燭金鑪夜梅花紙帳春可憐天際月偏照省中人
樛散才名薄蹉跎節序新東曹公務簡聊爾適閒身

又

齋禁嚴三宿王正屬五春粉闥明畫燭清論接詞人

香爇金爐細詩吟白雪新無因卮

清蹕尸祿愧吾身

又用前韻書事

笳鼓黃雲暮風沙玉塞春開邊非上策腰王竟何人
擾擾兵戈接紛紛甲第新酬恩亦天道早晚合捐身

又

長樂疎鐘曉龍墀細柳春天香飄御仗紫袖引才人
萬乘求賢切諸公奏疏新幸逢虛己日忠讜在忘身

又

補底求言日

朝廷累洽春不知喉舌地誰是犯顏

人細故只應畧封章莫厭新由來汲長孺不負拾遺身

又

憂時頻有感為客動經春凋敝憐淮土流亡念楚人
愁聞穀價貴稍喜麥苗新寄語承宣者惻瘼在爾身

又用前韻

不生天上夢長醉甕頭春一劍酬

明主雙魚寄遠人風光寒食近花事牡丹新
虛戴南冠久飄飄愧此身

又

清朝多暇日別館又新春醒眼觀浮士青編對古人
懶因文事少閒任覓詩新窗外梅花發清標比病身
分得博平耽遠送人北上

客路東昌外憑窗望遠眸風雲連海岱原壤接幽州
小市村邊合長河樹杪流慙慙更凝睇直北是瀛洲
送賀其榮領解首還姑蘇

阿父文場孝郎君桂籍仙經傳三世遠名占萬人先
科甲歸年小寸華屬俊賢還將五色筆去奏
九重天

送楊侍御謫官之廣西藩幕

已效風霜勁寧辭貶謫勞王壺明官况薇省帶官曹
地接蒼梧遠山連象郡高
君王屬思賁不用賦離騷

挽白封君友諒

恭敏公之父

避難全親日臨危憶弟情清霜明節操白日鑒情誠
手植三槐遠官封八座榮神遊渺何許迢遞隔蓬瀛
過高邨

四顧無山色蒼茫入望遙城池百戰在魚蟹四封饒
小市黃茅店孤村白板橋停舟問民俗風景頗蕭條

呂梁

萬古喧未息一源來不窮奔流通地脉疏鑿仰神功
怪石蹲頑虎驚湍躍怒虹客程頻過此搔首恨飄蓬
舟中偶書

風息浪容淨舟行亦快哉岼花開又落沙鳥去還來
牢落丹心在驅馳白髮催呼童具鮭菜聊爾一啣盃
泗亭驛阻風

遠水兼天湧孤舟帶雨維驛樓殘燭夜山郭斷鐘時
客路何屯蹇謀生亦似茲鄉心轉淒切欹枕強題詩
述懷

南北常為客萍蓬笑此生形容吾易老軒冕爾何榮

流水驚時序浮雲閱世情梁溪溪上路何日遂歸耕

登樓

風勁淒寒色樓高帶曉霞一丸門初擊柝孤戍已鳴
笳捧日心常赤驚秋髮已華望鄉歸未得獨立數昏
鴉

贈李舍人貞伯

斯人抱冲素節操古人風月露才華妙氷山識鑒
漢儀常練習齊瑟肯教工湖海三年別那知此會同

又

茫茫京國青眼獨何人靜者心多妙相看意獨親

揮毫近

明主談笑出風塵
牢落空齋夜相過
莫厭頻

懷金陵

高皇定鼎地
遊子獨闌情
客舍山光淨

園陵御氣清
為郎甘白首
竊祿過昇平
明日扁舟去
臨流且濯纓

早發高唐

曉發郡城西
行行望欲迷
霜嚴人不語
林黑鳥還棲
辨野瞻星斗
因風聽鼓鼙
前村看漸曙
身已在青齊

登徐州城樓

樓閣凌雲起窮冬試一登英雄悲楚漢封壤接齊滕
曠野鷹窺兔長河馬渡冰殷勤更凝睇鄉思晚來增
東臯叔約予同拜牧菴嚴先生墓以事不得

行

躍馬尋荒塚春塋薦野芹郊原連細草丘隴密寒雲
白髮門生義清風太史文羊曇空有淚獨阻謝安墳
送陸懋成東歸

南京一月住詩酒足清歡義重論交切情深話別難
水花含晚色江雨作春寒滿壁滄洲趣思君幾度看
又

禮羅留不得款款話歸吳風物催遊子乾坤送老儒
高名青李帖逸興輞川圖愁絕書齋夜青燈照影孤
分得秦淮送友人之京

開鑿經秦世千秋尚有名波搖桃葉渡潮撼石頭城
滉漾浮仙棹微茫動客情臨流送君去咫尺到蓬瀛
送蔣正術還毘陵

叔父方醫國郎君又克家才名誇白璧文采映烏紗
別思驚秋早歸期過菊花獨慚衰朽質不得問丹砂
怡泉

山人住山久偏愛石水幽截竹通殊派穿池引細流

深源常混混吾道共悠悠自得臨觀趣何須羨五侯
忠孝堂為薛序班題

忠孝承先志名家信有人風塵曾報

王湖海獨思親許國丹心壯還家綠服新高堂揭華
扁千古播光塵

田舍言志

中年厭微祿歸卧水南村萬事唯高枕餘生獨閉門
幽棲心自樂拙養道彌尊飽喫魚羹飯終身感
聖恩

立春日哭楊孟敬

勾芒方布令此友忽云亡便是幽明隔真添老大傷
蕙帷空夜月華屋自春陽追憶平生事臨風淚數行
壽丁希舟

雙鬟雪蕭蕭幽棲不可招羽儀追漢皓神觀邁周喬
洒落耽清事謳歌托

聖朝茲晨屬華誕佳氣徹層霄

暑雨杜門客有過余談世事者撫膺三嘆為
賦短章

洗眼看流俗誰知禮是防飢鷹求肉急行蟻逐羶忙
廢屋荒秋草權門劇沸湯尚方如可借吾欲振頽綱

送學士程先生再起之京

海內文章伯朝中社稷臣
輟耕辭隴畝用世展經綸
鐘鼎勲名遠金泥

詔旨新春山一相送臨別重傷神

過分水嶺

地勢東南外海水濱車書今日混閭楚向來分
嶺樹常含霧關門不鎖雲旬宣從此去期報

聖明君

讀陳行之上王巡撫時政書

征歛嗟何急民貧轉不禁撫綏今日事哀痛老生心

直筆輕餘子嘉言抵萬金何當獻

明主早晚降甘霖

寄贈楊宜間都憲

時巡撫荆襄

千里驅馳遠三朝出入頻聲華動

明主勲業在生人報國丹心切憂時白髮新荆襄百

萬戶含哺仰深仁

懷華祖芳

古道不復作斯人今獨賢清風洒塵俗高義薄雲天

花月長溪棹桑林小嶺田相思不相見翹首意茫然

送呂節推守中

呂子夙好道中年歌遠遊春江風浪急催上木蘭舟
郡國思蘇頌

君王問馬周西涯門下士應數大防優

又雨憫農

劍外天常漏江南雨亦多陰雲連晦朔潦水接江河
漫說禾生耳還聞麥化蛾憑誰問元宰調燮意如何

又

堯代三年水於今又見之天心應示戒吾意獨興悲
田舍時聞哭山厨欲斷炊何當下
明詔到處問瘡痍

挽沈處士

夢入槐安國迢迢境不晨逝川嗟一老空谷少斯人
杖屨餘風在冠裳世業新清溪溪上路回首一傷神

挽陳醫士

天地一逆旅百年真等閒那無肘後術難駐鏡中顏
橘暗蘇耽井雲橫尹喜關青霄有雙鳳愁絕淚斑斑

挽過母

瑶水三千里蘭闥五十年賢聲方藉甚仙夢竟茫然
鳳杼空殘縷鸞膠泣斷絃傷心北堂上秋月正娟娟

又

白髮期偕老青春忽蓋棺絃空驚別鶴鏡掩泣孤鸞
彤管名猶在青山骨已寒神傷念夫子憔悴獨忘殮

挽安人

結髮事夫子中心炯自持入門敦孝敬隨事納箴規
物化嗟何速神遊竟不知生芻無以奠揮淚寫哀詞

思貽堂

律已湏忠孝脩為貴自持良哉先祖訓允矣後人規
晨夕常存警行藏獨繫思儒官承素業端不愧吾私
秋日與同官登從姑閣

懸厓牢結屋高與白雲齊樹杪風煙合簷前日月低

田從長者施詩任達官題笑詠歸來晚天寒五馬嘶

又

登高逼象緯暇日此銷憂雲歛千峯出天空一雁秋
大江侵楚白遠樹蹴吳浮無限憑高意題詩滿石頭

又

地險疑無路秋高試一攀天垂平野濶雲共老僧閒
崖石危將墮江流去不還時清足遊覽適莫與毛班

又

野寺孤城外登臨眼界寬江山正搖落樓閣自高寒
清梵雲間出幽泉石上看同遊皆俊彥樽酒且盤桓

送李四順鄉試

黃色起天庭看君得意行三場新策畧八座舊家聲
泣玉憐和氏焚舟憶孟明
九重圖治急卿相亦書生

吳晉卿病愈謝周時榮

醫國推名手承家得後賢術從嚴父授方向異人傳
橘井泉香日文園病起年感恩何所贈諸老有詩篇

覽鏡

漸老髮凋落真成一禿翁年拋甲子外名玷縉紳中
抱戚懷孤憤愛時効小忠晨興北窓下蕭颯對青銅

寄吳晉卿兼柬余立夫

屈指社中交平生吳與余才名俱已大踪跡近來疎
為客偏憐爾論詩孰起予秋風動庭對相憶意何如
將赴武昌留別吟社諸老

整旆別鄉國悠悠江漢行朝廷無棄物我輩亦專城
豈慰蒼生望虛傳竹馬迎題詩問行色多謝故人情

又

故里歸來日新筍正滿缸飲多妨讀律才小怯為邦
曉夢還依閣春帆又渡江功名成底事祇益鬢毛雙

和楊孟武寄韻

君賢還復少我拙漸成翁歲月狂歌裡乾坤醉眼中
阮生何放達裴子獨清通家愛來詩好真為百鍊銅
次李西涯閣老韻壽車牧兄六十七

聖世甘清隱能詩入大家碧山饒興致白首擅才華
舊業惟千卷名駒盡五花眼看榮與壽莫訝向人誇
王給事携酒就徐公子園林燕會用杜少陵
重過何氏韻

公子園林好來遊席屢移綵雲低甲第白雪妬歌兒
客醉花園座林疎月射陂為貪秋色好燒燭傍東籬

又

亭迥偏宜月松高不記年清歌人似玉狂飲酒如泉
細水通山徑幽花滿野田自憐塵土客幸此一陶然

又

月出東亭上高秋宴集時剗柑頻薦酒燒燭夜聯詩
一任尊添綠相看鬢易絲明朝湖海別良會定何期

又

載酒汾陽宅嚙盃引興長橘苞垂碧潁竹靜檀槍

卷之三

吳詠新炊問楚梁明時足行樂端拱戴吾皇

又

萬里天南客匡時有諫書遙乘上計傳還謁承明廬

夜館聯簪紱秋筵鱸鯉魚
君王屬思賈未許賦閒
居

題孟氏惠麓小隱

亂後家何在歸來始定居
丹心三尺劍白首五車書
戚畹名猶在雲臺業未踈
結廬聊小隱歲晚足耕鋤